

荀
河
詩
集

笥河詩集卷九

大興朱 筠 竹君

壬辰 上

元日午刻立春使院卽事一首

法觀朝叅正旦同宦遊我度孰溪東來寅月已除風北

傍午春須遲日中憶白樓名昨歲晚

去歲廿六日遊采石登太白樓看

青山色左方空鏤廳賀者惟鳴鳥碎語生明一鏡紅

題沈吏目秀山紀賑圖

賭碁放酒憶平生解手空成歲月驚我渡江來君欲去

十年判作救災行

君官安徽十二年惟辦災賑盡職

甲申天上皖公船摩石浮山戊戌年

浮山石刻萬曆戊戌年六月水至此

至是君驗之水又高一尺矣

二百歲過水一尺丞哉自署賑饑篇

眼前兄弟到罷癰溺又兼饑繪出工對此鄭君圖可想
新詩况勝聶夷中

誰是官微心可欺綠衫一片活羣黎先生有子神清絕
莫道蒼翁總不知

壬辰二月十五日發蕪湖童子試案折號退檢落
卷取詩賦而遺者有二知爲兩江生也感且惜
之作二絕句

芟除艾櫟幾重重結得同心蘭氣濃澤草芳多終日采

不知昨夢落芙蓉

羅襪凌波影若留分明當面水偃遊無端交甫狐疑甚
玉佩雙雙不可求

贈知當塗縣陶琨

青山何青青照我令君几姑溪水環之令君淡如此令
君以經第飾經縣則理聞古循與良意頗在民喜非欲
慕其名職居固爾爾幹若強何人天之事限止不信班
范傳風流後猶似春從山水來感我序齒齒大衍衍數
過古所稀漸邇田園十畝宅滇南葩桃李思之行六十
歸去來可矣子室門候孫便當願指使此間山水樂不

若歸信美官此山水縣歸亦樂山水雲鶴夫有心蘭在
谷香始靜者日多多厥理悟之旨我初采風至聞曰惟
德祉贈詩山水間一爵酌綠蟻

送萬忞維

春雨朝復夕客行留斯須君歸艱家食曰住還踟躕我
行携衆客肩肩煩輿夫將從天都路踰險扳猿獐子留
孰與偕子歸來再圖吁嗟一館舍謀之亦已劬人生急
衣食竭廩口可餬我慙爲子謀才拙守用株百金中人
產歲計有與無且從黯然別謀道庶有餘

文章信有時發生如春草露霖一夕滋青青不可了子

今富爲詩百篇人愁例曰歸如勸學非獨篇什好樂饑
對經傳中有希代寶金與玉何用服之中自飽不聞鄭
與賈樸學古亦少馬君訓博精立起枯若槁人不食菽
粟生活不自保經傳味入人不朽安得老風從何方來
驪駒感飄渺吾亦贈有言拙貧無事巧故園木芍藥酣
酒晨妝皦待子侍書案香清腸百繞子歸讀花下得詩
寄我早

龍山鎮

沿舟背山郭春波去清清南浦不成綠溯流三月行我
欲訪謝公天際青山青絲絲從何來隔雲澹無聲中流

密逾灑杳靄岸樹橫龍山忽當面感我落帽情楚一山
兩地彼此互其名彼秋此春暮今古候又更前遊隨水
逝後遊隨水生瀟瀟水上雨送客將安征峰頭石如銅
綠色鏗天成人不若汝堅浪遊使我驚且共客飯罷看
雨不問晴

換挽舟子

十里一代挽舟例我今出遊非有事密雲不動緯上肩
忍饑要騰濡翼鳶岸上樹啼泥滑滑努力足前不可拔
我面發赤中心慙勞爾以錢詛我甘

捨舟從青山麓肩輿上

雨不可步與庶幾去水卽陸上翠微數十足挾百層折
白雨亂點空飛飛一人前持青油繖遮興興仰團團
浙瀝斜打涼刺面入口中鼻衄非饑鼃鼃之仰俯那得
蜥蜴緣壁盤負蟹石惡欲衍駭不動苦眠虺猫蟄蠹
與入其間齧欲碎艱難旁避危幾希巨石罅阻亂石過
顛倒性命投張機衆手插興底一擦聲入齒冷身無依
白頭空濛蓋耕壠高下萬皺眞耶非雲何黃黃樹何白
黃者花白雲之輝目精震蕩心自拊不覺雨濕興中衣
江南春外生所慕美景親到忘其歸日日坐衙兩峰望
佳哉此歎山菴扉

謝公池

東田戲魚動西山風荷碎故知青山宅東出雙峰外想
當望郭時芳春酒尊對移病園歸初休沐道還再月琴
與鴻燭妙入雲露內沙鴝跡仍飛汀葭芽始漑不見夕
陰街治宅人何在惟餘一泓碧山足池未沫折園流自
方珪璧偶然配歛性旣知就行樂亦無害眷言池上者
蔚羅歌如喟

故宅弔讌元暉

結宇荒幽尙此間驚人句絕剩孱顏恨多讌語辭西府
惜少移文過北山自蕩波臣愴獨往未央悲客倦知還

葉低崖斷如疇昔一任江南棗不刪

楚山試望壑兼邱鄉淚沾餘可便休二百年詩無此作
一千里目若爲愁雕蟲竟齒衣冠列野鷺難叅肺腑謀
室有懷刀長恨在斯心猶燭佛燈幽

保和菴贈聚虛上人

謝公山故宅後爲保和菴僧指門前池不竭深潭潭山
下青草市謝家名猶諸東田在其東菌閣迷山嵐三峰
二在西關館足一龕所以西山足治宅篇可參天寶山
歸謝此菴禪久耽傳聞齊代捨宅假佛力擔幾千餘年
來一髮懸精藍上人古愚孫九室傳翫翫世年二十一

誦律依瞿曇早輩亦名僧臭性闡提慙縱斧繞菴木聲
若食葉蠶東田易金夫不有其躬貪上人護山性悲涕
天雨甘告余余爲感司土直爾談昔惡少騎屋尸市賢
者堪我亦愛樹人勿翦歌謠謠此菴獲無恙謝公靈來
驂朝煙與暮雲空空山濡涵得山忽忘山此意妙自含
廓清諸妄魔中昧將毋三且炷空香一精進從爾探

出太平上南門

溪南橫渡采虹坊三月南州春有光孤鶩平飛鴨水綠

遠林低襯菜花黃瑞麻石響遲洪氏

時方命工榻懷表
姑熟帖諸刻

樓虛對謝郎小別城門暑惆悵諸生一揖揔難忘

餽餽店

餽餽店側北

燕語謂餅爲餽餽平聲

南去問村家人遠青蓮墓春

深諸葛花去年官柳小前路野橋斜不雨陰陰色天將
圖畫誇

別太平諸生送者

滑滑泥何深諸生揖輿下我以得士來士得何爲謝來
此不四月會見亦以乍重感諸生意道遠送復迂告爾
讀注疏努力大車駕行行毋欲速此不得他借文字音
與訓牙輻各有舍一一致其用如御者得靶識字以通
經要如水銀瀉從之人可由初攬後乃蔗

諸生勿送送僕本多情身三宿桑尚戀何況冬徂春一
上李白樓再歛謝眺鄰未嘗携險句徑欲捫星辰惟有
一片心欲令士氣伸學者當共勉相與成古人生理在
根柢異文必騁麟鴛飛與樹花莫盜春光新此言未爲
迂求實非其賁重來絳幕語葆爾聰明眞

過玩輓亭

七寶亭餘斜日邊往時處仲壘新堅艷姬平視從頭斷
村嫗爭觀夢已旋棗塞鼻何能作賊石稜眼不見斯輓
可兒相羨眞成笑幾碎壺中惡獸涎

雨脚雲沈不掛絲古城半角未頽時何人白晝收鼙斬

此地黃鬚立馬嘶阿弟差勝一爵酒他年浪費八叉詩
蘇黃遺墨模糊盡誰讀承天寺石碑

後湖陰曲

燕湖水出當塗北水南曰陰今縣域湖陰曲作溫鍾馗
血鮮日壓敦營危往事模糊摠成夢黃鬚人來白狗送
七寶鞭一失餘亭路旁賣食姬可驚淅瀝雨打落日斜
下與摩壁碑聲牙蒼蘚黝塗黯點畫濶筆深痕蘇老跡
汝州團練元豐年親手跋者黃庭堅承天沙門蘊浙剡
蔣樞密以亭名冠玩鞭亭名始於斯笑彼逝矣夢日非
宋人傑

楊濤王

又祥正

郭

靈暢諸篇元泰定太平總管

吾節夫記之石脚三層書詞人諷一六義有聞者足戒
猶忠厚苦心真得離騷心世間羣詬麗以淫付與一段
白石骨消滅湖風與湖月石字在石人人過詩者書者
爾奈何

于湖曲和張文潛

黃庭堅以溫庭筠湖陰曲爲戒強臣之不得干
紀張耒改史斷句作于湖曲亦言開王氣而分
上流其旨並合六義獨於明帝之易寇耒之及
也爰和耒詩而廣之

干將精飛燒山赤魚腸後逆又鳴鏑何物老梟馬作蹄

走而飛來荊州嘶天門兵氣寒江壁日出丹陽壓冰釋
亭邊天子黃鬚顏江底神師赤幘髭蕭蕭湖水風自起
巴滇馬莫飲湖水天教白犬卽嚙之白龍輕遊謬千里
潭止小駟譏春秋軒轅昔日迷銅頭有征無戰王者訓
玉壺盜酒噓庸流

過赭山用張孝祥踏雪過廣濟院韻

竟日行不雨妙景不卽晴興暗山若近降降復升升塞
眸山矗前丹陽名所成巔趾視丹丹忽悟山別青上有
魯直書不數李陽冰名流各擅場曰唐及宋平頗聞吉
祥院逃劍心懸旌此去古松下似有山靈迎李徐逸事

在欲訪暮迫燈孤塔不可見熒熒識舟亭一顧高峰過
滴翠軒或傾莫連赤鱗光捫之驚列星

觀蕪湖縣學碑

入館出問碑縣學循牆闕舊讀南宮本今始卽石覽徽
廟崇寧元三舍舊制勘講議司誤立詔下州縣檐林修
行頗力黃裳記無僂人重米老書楷之萬口喎面瘦中
神豐黃黃瞿曇額又若龍頭舌舌澹頭領額黃演疇好
之集字萬厯鑿較大字差小重醞恐味醺升堂陽永篆
公主道爭擔倔強用書謙觀之思再三我家文公書八
字狀窻窠文章本詩禮厥訓妙澹澹爰厯金馬門雙石

覆巖砌元大德盧摯厥詩當門闥亭宇小此夫不米書
俯瞰與玩鞭亭石亦以兩誇敵鄉賢祠壁窺二石牢繫
纜紹興與至元藏穴傷口哈我來比金摸至寶竟珠探
始知物聚好唐宋元得暫徙倚讀欵識日影逃欲暗從
行竊相笑夫夫何儉侏我癖笑胡爲此地索觴濫行行
搨工致笑囑關中淡

淡君如水大荔人其鄉多搨工故戲文之

石盆三小松蕪湖館中作

石山戴松千尺搨人行山根仰短髮松一二寸植小盆
位置拳石峰嶺翠盆如大地石在山漸漸土上硯牢安
祖間松起與硯等欹林側勢參差肩松底綠苔生滿地

祖下爲坡徑細細蚬蜢定化人來遊竹轎芥舟相次第
漚松舟移曝轎舉來憩松間日亭午南柯之夢儻可成
松裏微濤好記取我今拙於大胡爲喜松恠勢小益竒
却憶西山戒壇住塔院松上天兩枝顧其僂僂下酌酒
思縮盆中理或有傳舍對此今恍然大小之間孰是

燕洞山

十里問路曰燕洞縣二十里白馬祠祠倚燕洞山之腳
洞冬燕百千蟄斯路人說訛古有語劉宋以上祠神師
官爲禁絕燕飛散烏衣紫幘靈無知此與片脯石人似
風俗通義著訓辭或云燕領利用將三世爲將生不滋

或云帷幕燕神附主人者改巢則危屈伸往復有天運
人之所喜旋成悲燕乎爾燕莫飛動向千百今靡子遺
山石鑿鑿洞窈窕過客幣絕王長饑但餘鼠粒落松徑
不見牛餅歌柳枝石碓村邊越境去木居士偶留題詩

渡石碓河

石碓河流兩縣中鳩茲春穀古來同魯明仲宅波仍照
張孝祥遊車未通忽落千川田頂澮頻添一抹嶺間峰
肩人薄板徐徐上入耳松喧萬壑風

題奇樹菴壁

澹澹空雲不動颺春深漸覺雨來時人驚奇樹菴邊入

路記蕪湖水外移綠合四山銅甌古翠搖千箇玉簪歆
此間紙帳如堪借莫信前頭有驛期

登南陵尊經閣眺工山諸峰

鮮碑捫檻左大德旁題留

成宗紹旨
旁有細書

登閣俯前軒浮屠

矗雲浮故唐崇敬寺明代學始修窻西試一窺連峰張
射侯工山乃最高金鵝飛半休勢蟠七十里天際懸龍
湫其廟曰廣惠所祠晉何侯古之孝而隱靈跡神棲幽
桓公登山界長嘆不可求萬倫亦有言非有尺寸猷
然莫恃怙不若不仕優竟辭以車徵自誓衡門儔其語
良足感高節茲山侔我胡奉簡書三千違井邱十五恃

失後四十何怙憂帖岷陟累噓來作江南遊青青暮春
草行客前登樓上冢士與女提挈醕復羞獨我職有役
不奠土一杯北望蓬蓬雲山莊渡蘆溝于嗟予伯仲潔
具清溪流再拜致告畢無恙瞻松楸豈知南向憶我行
南陵陬延首太行道季也興呼騶契濶各在心節候況
觸眸人羈長年別日照空中愁詩成寄子季同發茱萸
謳

射的謠

山元穫千白穫百射的之稻視山色山左山右稻鉞芒
韋郎作記陂以塘記石爛盡山不改射的山光乃勝水

水須人溉山天作我行看山青廓廓青深於白淺於元
土人祝曰今有年人言射的玉璞好我言占歲山之寶
玉食不可衣不可如璞言信山斯我元應雨渥白雲油
歸告爾家懶老牛

震山文氏祠

張孝恭題文蔚一楊黃之題案與中寶慶酉戌兩進士
題者德秀與了翁太子侍讀御史丞三部侍郎刑禮工
當時紛紛重官職豈知闕世皆人雄傳六百年木刻在
山中宗祏堅於礪礪石載文文山句丹竈仙跡茲來公
文氏一人三不朽宗祠榮絕南陵崇鄉俗樸陋詎數典

尙有問字八歲童
墻頭排肩看牙蠶
此童默侍神冲冲
問以論語讀半部
人如此足學可充
不失其心謂之學
有宋諸老將毋同
我坐啜茶面四壁
牡丹花放剛生紅
誰言衆愛品非玉
未嫌人見來谷空
賓客先走獨自忖
記取食頃凝香風

涇南道中三首

曉白何茫茫作二十里霧
社倉鎮忽過瞰出山始露打
頭石山來玉雞夜飛怒十里
試山茶考坑急奔赴連峰
駭夾輿危溪浸竹樹當面山
聳人重立雙肘護黃黃中
鋪茵翠屏外補素輿穿石橋
洞欲失首屢顧不知前山

精更發何怪趣

上上復下下修竹亂不治黃栗留碎語遠遠飛鷺鷥刺
葉葦掛與牛鳴甕中吹心慄輿側石旁脫面落溪蘊蘊
杉樹立扶掖輿轅持百舌上叫叫勸客看山姿前峰擲
裂帛衆皺堆床絲染紺淺碧深觸眼使我疑若夢便欲
卧變態喚醒之且復堅閉目禁我靈明知

白雲亭忽來密久改空曠諸峰兩峰樹薙髮癢新養行
輿緣左崖人家盡南向下見灘間石日暴乾者上隔灘
萬頃田黃菜綠麥抗一帶壁塋白逼午照逾晃仰面若
薺松烟蒙似動盪高空小紫燕盤旋急啄浪金蝴蝶一

飛悞嗅頑石妨人閑業偶罷我役程有嚮三截水各若
語饑否問無恙我將飯百花舉行輿又放

自翟溪橋至伍家橋

遠山巉四圍近樹亦密密人家山樹間中有良田吉三
尺麥生鬚垂顙低午日一夕霧露涼千石量其實昨陰
旣根滋今晴又穗茁天意若愛農此間民有質深浪青
青萬轉光黃黃一畫眉山中來遲聲媚鵲鷄紅女青布
裙無取染黛術倚山參差飛粉壁穿巢舳閨中無情思
不憶賣茶出婦織民夫耕古意猶未失旌德嘻可旌我
自涇水率曰以採風來秀民出可必仰面山溜松千萬

三
九蟻結材成卽梁棟冀心在書帙毋勿如小蟲功轉秋
風疾沆瀣天雲通勸學勗始卒

題田氏宗祠壁

石壁柴香水到門隨人百折浸山根良田綠到紅霞去
今度欣然子驥存

宗法居然綴食能外人足道感逾增故鄉亦有田盤隱
却付西乾欄裏僧

沿流緣石壁行達蘗口

田家村緣壁下根清灘流流穿沙白白山石墾碧油頗
似小富春雨壓天修修天然隔灘壁灘內壁鑿鍍壁上

一尺字免馬誰所鏤頗疑古未開禁弓矢所由惜不記
年月徒然費摩搜一徑真絕行百折秀快眸嫩嫩綠可
餐腸腹清氣收不知十里曲無一軒一樓更無一草樹
人讓鷺與鷗山鳥驚顧我疑羣飲壁猴曲曲山水去步
步山水留靈境紛面面乞與畫者謀畫外不畫中妙語
欲出喉開鑿後年年偶過使者驕出壁一恂慌始見溪
飲牛且復卽人境藁口問驛郵

藁溪橋

支離石根行急湍石覆脊傳疑夜半峰落飲金蜥蜴干
百率其兒霹靂化頑石頭吻下匿沙尾僵跂跂踈一顧

肉爲動過水刀響若頗復憶閭灘衆狀此尤窄側足行
日暮有聲揔出隙便悟吾尚未且問柳仙宅

柳山

隱士名全逸茲峰以姓名客從石壁出灘到柳山平草
烟斗陰切厓花香晚清今宵山水縣月望望分明

雨發

飛輿拚得僕夫僵一幅劉侯新障長出雨峰高墨滲誤
受湍石亂酒噴強恐勞供客留無計別當遊山趨欲狂
章不能成零涕似天都約畧在溟茫

板善橋

曲度板善橋洞亦名板善嶺合急倒林灘分亂洗蘚况
乃崇朝雨樹杪泉不淺十人扶輿前古洞獲陟巘僧伽
曾坐此道力突法顯說石通性悟指水亦理闡到今溪
悲號石頭肯涕泣迷離又拉雜步步境屢轉其後忽跳
珠立橋聽百變行行橋外去適來得勝選

發績溪却寄知縣薛君

翬嶺宵來滑百層山城肅客更張燈深慙列幕飛而食
畧笑前驅負且乘

此驛無驛馬負印者亦坐肩輿行

學舍仰觀歌揆日

書帷俯拾取銜冰令君名士諸生勉一邑還期七業興

君借余謁學宮與諸生言縣少達者以尊經閣方位非宜議欲易之故云

過草渡橋憶胡進士 京寄之

駭石驚湍盪耳眸
潞河小友昨來遊
醉餘畧放奔奇態
韻勝還宜平遠求
高第輦山書冊腹
相思草渡問橋頭
早年得路人爭爾
試更商量海一籌

徽州使院得王秀才

效晉

兄弟詩二首次韻寄之

邇日心飄黃海雲
故人緘忽報箋芸
燕山空想槐庭見
熊嶺誰同藥臼聞
雨細巡檐只憶舊
燈深罷酒爲掄文
情懷索莫驚春去
百舌昏朝苦喚羣

勸學難追前輩塵
亦知善善豈徒甄
江南風氣尤能撲
年少才思莫但新
植博衆芳根六藝
鉤元一髮引千鈞

花生鸛亂相思劇消息剛來草長春

壬辰四月三日休寧縣學試畢拆號蔡生剛年八

十有二名在第二喜而戲作贈之

柳郎春後得風流

是口立夏

筆力槎枒挽萬牛墨子授書方

徧愛

墨翟年八十二神人授以素書三十五卷見列仙傳

申公作傳自精讐香山

會上看桃朶

香山會上范陽盧真年八十二詩云千朶嫩桃迎曉日

陸老詩中解

貝裘

放翁詩八十又過二與人風馬牛細衲兜羅襪奇溫古貝裘

抖擻且爲餽廩計

上庠之養學而優

吳大

元潤

以其弟子李生所藏東坡書以銅劍易

龍尾研詩墨本見贈卽用東坡韻贈吳君

坡書肥勁如短虵出之龍尾古研窪君從何處忽致此
不輕而走車推牙贈我至寶愛不却兩人水母目以鰕
二十七年別忽聚過眼雲外烟中花聚已可喜贈又絕
今夕計不豪釐差此物何減謝眺句來朝持向名山誇
那知得來自弟子毋乃醯乞由鄰家再拜而受惡棄地
一笑真見優曇花

別君忍歌驪駒歌君有弟子容虵虵一朝竟爲我所賞
早知石態來嵯峨傳之有人身不過斜風細雨甘綠簑
我不如君謬膺節石頑鋒鈍愁人訶今宵驛館互投贈
却憶少日鸞呼和劍方躍水人會合研胡著墨年消磨

況君弟子見頭角老矣感我君之波起掩墨本好偶聚
人生誰俟清清河

自巖脚至唐塢

出山白雲漫雲令山嬾嫵登封橋在脚去巖遵水取不
得舟以輿後人履前武右觸石左水分寸命寄滄蟻緣
曲真九通此一線阻噴雨打頭來我僕足無主流下人
勇上側睨江恐怒山白水作黃似憤爲雲侮千壁瀑又
來忍受百口吐沸溢河洶洶一波一磔古畫斷過石激
倒沫闢落雨駭聲復駭色快意忘其苦十里輿換肩前
津到唐塢

山坑

山坑新聖亭我從唐塢來衣上濕猶雨輿底聲真雷人
家沿山邊青松屋上栽轉徑嶺成夾大江中開開江以
雨始大濫觴源斟杯出三天子都兩崖浸崔巍厓上短
短松綠滿疑莓苔雨刷沙入江刻露松根苔生氣自粘
壁養以霧與霾此松與此石得雨結之胎孤壁下落江
徑亂行客猜盤屈厓底樹浮草掛作堆竊恐雨不休無
路緣石隈

失題

此同學友歎人吳西序也去而學醫又窮而
爲僧兄嘗爲珪言曾見之詩今稿未完爲補

夜遊入黃山秉燭慈光投光中有僧識別二十八秋君
嘗遊京師我家幾年留學醫於吳公十九低雙眸如何
作僧雞埽帚得悟不

湯池

山雨一宿留僧家硃砂菴出尋硃砂籃輿下滑石路斜
茅竹翠觸亞遭撾抽笋不葉五丈擎外擲包裹中杈枒
蠹蠹怪事竿新芽破山瀑布仰首誇有人石根立呼佳
我笑而視入浴窪此間那論硤谷瓜石空無火似有沙
中爲丹精寶氣華濯熱強入泠泠加裸衣金色微趺跏
屏息泉湧身蒸霞香汗百孔除滓渣粃糠塵垢如漚麻

笥河詩集

卷九

大

流惡出穴輕散花液通臟腑
璣瓊華一振而起乘飈車
利肌輕骨斯泉嘉唐李敬方
感龍肇宋祥符丹流莫遮
銘荒記滅空豁豁搜索不見
心口嗟爰憩茅棚啜僧茶
古松閱年出捕蛇龍根盤盜
屈爪牙何不反之地硯硯
勿使人盜圍以笆土石相得
理不差雲來霧往絲掛苴
近不計十千萬遐體托山阿
臨湯涯中和之氣抱松桹
松浸池池溫些些人浴者仙
病脫瘡我行躑躅山之丫
安得日日浴此耶背癢不倩
麻姑爬

回龍岡

古殿燎方礎左折嬰回龍解
我入世服臺笠追芒蹤四

尺杖扶持亂石草不茸躋陞步難安危落夾嶺松自喜
無路始判人笑躡踵天陰勇自賈心忖日未春靈竒徐
徐探一顧中已忪寺僧遙覩我遲敲晚齋鐘生命賦窮
瘁力破雲所封非岡亦非溝綠綠壁立重

神仙洞

石高復石低累累勢爲升中間當道石上不能下能十
餘年以前絕厓兩石崩兩撐移山一聲雪形礪礪意者
鬼斷路一隙容人乘若屋下啓扉十夫列座勝由竇豈
曰賢躋堂勿疑朋美哉天所支遊戲神仙昇一繫乃一
解造物余服膺

觀音厓

觀世音何住危坐臨危厓亦復何所往能使厓如街來
者與去者於此問升階不然日無人但度虎與豺夜亦
無有人但度蛇與虺無虎豺蛇虺曰觀世音皆何年石
室鑿目薜閉不措我窺儼微笑放我遊山懷陟阪趾側
轉一念安心齋億竒與百恠腸入凌空匯聞聞與見見
妙付雲物理無處禮化人卽目心自諧飛軀忽在巔灑
淨松小佳

前路入迎道松可望見立
石村山松曰觀音灑淨也

打鼓墩

聽聽打鼓墩足踏若鼓打腹鳴靈物竅獅子回頭下獅

子顧天都百怪喘息且隱隱若笥中隔石鼓音假我來
暑側耳狐疑不放踝雉雷將母動屏息索轉啞自慙似
山賊鑿險遭鬼罵髣髴耳簌簌踴躍捶欲把十步五愁
墮升屋凜碎瓦勝絕行前頭仄處足聚跨此豈同謝公
舒王爭不捨險易命付之聊騎蒙皮馬

龍翻石

亂山偃孤雷急吐吞九八峯峯雨助瀑洗石如刀刮石
皮皴剝骨流刀猶自刷萬千百丈石激落聲裂砢上石
裂擲斃下石禿刺齧石堆霞徑絕水噴風聲殺遊屐百
折到欲上難憂憂興未盡反恨膝以上厲滑懸波信自

晉緣山力失拔土人陳社子矯過籬與納負我躍浪泗
度石犯齒齧領下鱗三尺出自龍喫嚼試身險嬰物翻
石名記札覆水缸屢扼浮生穴自窺今茲度惡風神山
眼察察回頭雲外乘携手娛娼嫖

老人峯

翻身龍翻石招我立老人辛苦饒涎過飄若神仙身老
人昔扶杖鬼竊摧爲薪鬚眉信甚偉母乃曾避秦黃公
與用里化石或有因不然穀城葬生死子房親我行揖
翁坐欲就往古陳白雲滃起谷忽失面目真旁一老差
小徐甲從眸貧索錢吐乙符白骨支輪囷頗聞七十菴

所在宅隱淪斯翁存歸然及見古初仁黃山朝朝海松
長如桑勻松乎海隨滅石壽逾靈椿

張果墓

在石埭嚴關嶺下

石骨嵌空老果僵靈山昨夜過陵陽嶺無路想騎驢去
墓有門當剗雉藏彭鏗墓亦近之白蝠歸來巖洞古烏頭食後
齒牙黃留侯七世仙誰見此樂分明屬姓張

杜荀鶴故里

雲態模糊吹落絲低徊生世上昇時

長林杜牧娶牧妾而生荀鶴有方外

我以詩曰金檢曉懸生世日玉書潛記上昇時

回驢嶺誤羅昭諫放鴨池懷杜

牧之第止八名華萼採詩成九歲鯉魚騎斜風細雨泥

輿路一派唐人中晚詩

南陵道中

亂峯欹側送年光
路出南陵地覺方
短稻秧肥三尺綠
小松針細一林蒼
喜新山水人傳癖
求舊詩書自笑荒
今夕敬亭天落手
渺無搔首句携將

飛輿五月汗沾肩
喜趁微陰樹底穿
泥軸倒翻泉水液

淨畦斜落糞渣烟
牛郎會

地名

外孤峯意孤相
門東岐路

緣

前去涇縣亦出東門南行

無限六朝文士了
沈吟清弋小江邊

出寧國北門登舟之海棠灣

畢校文章郡眷別
山水廊敢云誨諄
諄頗致言諮諮郡

官揖臨涯學生拱躡鴈魚魚從緩逝燕燕顧急掠低徊
文以會躑躅岐又各人生情石堅水流舟葉落我慙詎
能職爾勉惟勸學岩岩敬亭山招我遊可樂便當從此
去赴我友昨約棹歌十里發遠意奮鴻鵠名山夙成癖
戀心今何著惜別與耽遊兩投難一卻飄飄呼榜人海
棠灣邊泊

張編修

蕭

待余於山麓偶簡

昨日樓中望今真上敬亭俟余峯外碧對爾眼初青文
物通巖秀山光妙性靈六朝多少意零落辨餘馨

與自山左折行達碧雲亭

不徒而輿舍小舸人肩上山之左秋風吹草草益深
崔巍石戴土坎坎坷之土沒深草茆草如割草行果
土高土低亂行腳十餘腳互草中跛苦尋芳非愁羅靡
強逐叮嚀耐掘堞一峯纔下一峰上半趾剛平半趾頗
雖喜孤松作前導每疑碎礫其中叵我乎定志遊在斯
寒翁那知福與禍三天都降九子陟無路吾遊無不可
今朝小試左股夷何客肯爲前足裂忽焉土中出數石
張牙嚙人躍不墮僧來指之過此間高閣當空見靈璫
我遠見閣近不見喜若捕蛇得珠顆大呼僕夫齊足力
轉眼翠雲亭著我琳琅四壁照眼讀刻劃端莊閒婀娜

人來人去言空堂水後水前送側枕卽看河邊山下路
一綳蚰蜒平以妥我入險來出必易頃刻冰心息觀火
眼中敬亭已落手且乞蒲團此兀坐

登敬亭山閣

古人情若何六代去我遙言登敬亭山忽發詩思超元
暉句驚人太白仙且豪人間世莫客來問天高高飛雲
忽何來綿邈以廓寥極目百里間連蜷舒平臯東峯麻
姑立華陽西飄飄當面柏枌山一抹色愈韶環屏旣四
張傑閣中構巢鬼神嗟可黨俯檻萬象邀其間有靈氣
御風與之遭右旁連一峯白也雲根雕上頂雲合沓謝

語難摹描百年人有地所至非倖傲勝遊雜騷感顧我
心慄慄閣下古辛夷十圍直干霄花時玉顏色寸想神
百勞安得親見此奢望無乃驕此中空遠意豈忘夕與
朝凝睇北樓去不厭吾何褒

雪泉

敬亭虎窺泉久荒山下路說雙石羊我來升閣窺其右
雪泉刻字施閭章汲泉瀹水茶芽試深苦味與淺甘至
生腋且快盧家風古光安得宜窻器不須七碗啜一甌
清入腸肺非關喉往代宣德暴蛟擊乳香神刷腥涎留
愚山道人名以雪不辨虎窺其正脈山髓寧隨六代枯

靈漿又食百年冽仙人行矣詩人止古井寒珠六出起
莫誇泉水屬今人謝朓李白都飲此

尋昭亭故址

卓午登山去欲曛昭亭路外看孤雲遺民猶說葉和尚
古廟莫尋梓府君羅漢記亡貞石泐繡毳花見異僧聞
隱淪托跡知何是唳鶴饑鼯幾百羣

廣教寺

古宿老黃蘗精律德相尊行脚涇川西來敬亭南山餘
事爲神通募木安南人金鷄雙闔井松蘿出其間或云
龍拔谷鬼毒神愁奔玉礎與花臺杉柏飛而鶯裴相公

助之盧肇銘所傳餘八株植活與二株同根異行僧樹
奇開葩爛霽雲伽藍記別書井中斷尙存靈跡久厭世
火剋乃自焚譬如舍利珠骨肉燼光煥到今破菴椽撐
檣沙彌蹲一鉢清清流飲我談其源木主題蘂老雙塔
指我觀空空雙塔腹村童盜其磚磨刀利於礪古物牢
且堅嗟危塔跋足佛力呵不顛塔腹旁嵌石神咒工雕
鏤年月疑唐書浪傳坡手痕何時坡到此毀墁書不刊
長梯探高穴我目視轉昏古識既可喜靈跡資異聞衰
矣浮屠氏獨浮屠蠱天乞僧搗致之水西塔同看

宛溪道中

片雲昨夜月藏鉤曉啟孤篷漸瀝收嗟久客行看岫出
不忙人意聽溪流振綏韻急乘秋蜚搖尾情間歇夏牛
悲喜無端何所會此身合是托虛舟

當塗道中

冷風幾夕野成秋不覺生塵暑暗收石馬偶驚草隴鵲
水龍閑伴豆棚牛人行江外程初穩蟲語田間歲已遒
早稻十分晚稻九驛塗莫放酒杯休

重過池州

小役載馳華嶂北老晴經月貴池面痕消通遠門前水
蘚露潛蚪洞裏題課稻黃傳黃栗語餐山翠度翠微隄

此間農隙偏能早畧覺肩輿總不稽

此縣稻乾民以役食故云

皂角樹

十里別郡廓連岡斷琴紋一伸復一屈龍起身蝨蝨左
顧大樓山天閭落氤氲午日喝下士其上蒸濕雲仙人
若往來飛繖遮赤曛嗟我肩輿夫汗脚頭如簪蕭然濤
何來逼耳清響聞蒼蒼髮髯翁揖我數百羣問年不計
千十萬朝夕分兒孫長坡左綠鬢齊新耘相招百來遊
清路心知醞乃信松窟宅人家於焉窘受命於地獨靈
境開衍墳元衣露翺翺角棘名胡云旁樹五老楓虎魄
光見煩豈真神所守虎杳銘山黥

虎杳山下爲皂角樹村

迢迢百

年役輿過心如焚安得松下屋宅我形之君讀書林育
育種樹鱗紛紛客物遠懷負撫已孤意殷念之令人懷
曲折沿江濱

奇河詩集卷九終

等河詩集卷十

大興朱筠竹君

壬辰下

大觀亭東巡撫裴公並東布政楊公按察塘公

大小龍北來山走長江負礚礚舌飲江茲亭壓其首安
慶城口啣扼吭吞江九匡廬挾小姑驟擊此應肘近代
寇屢禦救急艾急灸峨峨新建伯覆舟寧庶杻雲雷經
綸以國初殲海醜南邦一都會繁郡封疆守大觀亭
壯哉舉杯江在手群公此高宴招我樂侑酒魚龍下仰
聽簫鼓澈沈留天風送飛揚隔岸曳秋柳海門去千里

一瀉金焦瀏昔有元末造余公藏孤阜忠貞歲秩祀有
司薦亭右躡躡老太樸看廟一何壽江山寶鑒之彼此
孰是否裴公綠野哲楊塘協僚友鄙人獲陪遊清時享
敝帚懷古各勗勉選勝及旨有臨水箴繼火出辰懽極
西善賦大夫志題亭以永久

爲楊同知

元文

題其尊甫先生官舍就養圖

昔米李師中留題山谷寺刻石述先德惠政在舒志乃
知有本者政之施罔異瀟山百里近英六臯陶地楊侯
行治之無爲州嘗刺久之樂厥民庶幾父母類侯乃迎
父來中土越河至厥土瀕大江老樹倚廳事樹老松蒼

蒼下俯綠竹翠父來坐其下侯視以其意馴馴鹿何來
侯曰仙人騎祝父行騎之名山遊兒侍今者聊於斯養
父志養備父乃憲而言母久溷爾位去去歸河濱爾勉
職勿思侯思父之歸左右松鹿次曰父左父右命工圖
以識我惟遊之跡愛及畜與植此松與此鹿孝子深愛
自非惟獲古心圖哉古之義秋風吹大江日可愛又始
歌詩以志之侯之志不易

霞山村

短橋官埠過路轉霞山足去土乃卽石仄行互不于山
頭石狀城堞破偶相屬溜跡秋霖浸燒痕落影矚立石

山精化义手神所萃其餘頭額露風墮古巾幘坡陀睡
爛漫蒙眛叠被襍怪事非一態莫適杲杲旭變滅在朝
夕霞見山紫綠奇奇轉出沒層層又斷續茲山所由名
路古百折曲我行山之中委蛇不厭數四圍窮陸勝勢
作水浮局造物妙屢遷投我好已酷高店五里平諸峯
高閣束

垂手菴

霞山如高人義津亦德水飯熟且須飯垂手菴招子佛
氏名接引其形有妙理下界卽上界至至若或使我禮
垂手佛佛亦爲之喜挹袖更拍肩金仙人我爾四大本

浮浮登山二十里

華嚴寺

假寐名山忽到門
夢中飛上首楞尊
棋聲盡日人無對
蓮色當年石有痕
金粟身留山不住
木魚鳥喚客何言
華嚴一部該全藏
枉遣闍黎司貯存
寺有藏經閣貯明
神宗差漢經厥闍
黎司設監右少監
任大用贊
頌大藏經貯其中
詳勅諭碑

可坐桂

張文端題十可坐此樹其一
意婆娑團團幢蓋覆華嚴
不受威霜酷日挫其圍十圍直五丈密葉交枝衛足裹
下根牢不借月日上藥繁應拂雲磨來窺孰云繩之腫

可愛居然拜而襲肆筵設席斯處宜短歌微吟其間過
我行恰當九月初星星再綴茲三破寂香空外心自暗
清影黃昏地不澗未覺玉階偈人寒莫是金仙自天墮
僧稱花爲公來開我疑樹欲留人卧此中此味外不聞
滿室滿堂爾其奈吾黨徐生北來見嘆未會有喜自賀
不知身到衆香國嗅而曷食已忘餓花一出世非北南
樹猶如此顧右左浮山浮浮生亦浮適來與子歌相和
坐且行行起百匝香若因風一縷拖放言共謔生獨奇
當理還須默自課堂東小桂亦可人曰將毋同豈必大
自抱龍峯折行上金谷巖探九曲洞

出寺左袒偏跏趺如來看密松蒼蒼入遙指抱龍閨門
得徑迷昧松根草倒半人踏稀石岐曲折林立亂林盡
峯上上哭兀現樓觀石堂金像古離坐阿羅漢上頂狀
豐碑無字非漫漶易曰蔽風雨天作豈誕謾其左坎坎
窅九曲蟻逃鶴炬導蒲伏入仰隙空珠貫或云竅地肺
金雞聲徹旦今塞昔嘗通石乳若搏糲僧言來作鼎試
繫中閉斷好奇乃過我斯洞燧用鑽興盡正須返解得
毋相難出幽谷緣木靈境妙屢換

滴珠巖

水浮故曰渡山空乃多巖滴珠信尤物雁宕奇例凡礪

石塞口曲喉涎內饒陷遊者以入腑腑閱黯黯中頂
隙一開下當井剗剗天池泥丸滴瀑滋山骨咸理奇復
九變形秘施三緘紹定趙與諫橫刻筆力嚴迂徑偕張
吳字潤青巉巉秋風燥崖壁珠溜津津銜綠蘿罨挂壁
絕跡澗潄潄

紫霞關

安安仙人床無死而亦息高卧古所樂伯靈與季煎其
下石爲關遊者通南北必有秘獸守神姦不敢賊天西
紫霞飛出日借顏色真人關前至候之索道德紛紛刻
石字五千無一得象獅與鸚鵡不如一牛力我欲日閉

關中行復之卽

首楞巖

揮手紫霞別首楞巖上尋日遊山不遊買積歸其琛
手如羣猱步步必俯臨不得厓門戶緣牆角深深山賊
砮形似駮走瞑獸禽折到獅吻吼險盡忘嶽岑阿難妙
辨十厯厯明在心何處海潮響陀羅尼作吟如如壁上
佛收攝人天音正立向南望九子風吹襟綵繚天極舞
影動秋江沈若與巖間荅宿冥傳谷林華頂奇無端江
流浸以滛吾欲求吾師一曲巖中琴

首楞右折由選佛巖攀緣金谷滴珠之頂上妙高

峯

下仰不見巔上俯乃其腹言捨首楞去去沿選佛谷谷
卑高者巖逆躋天四陸譬如蝨出項脉脉嚙髮禿金谷
連滴珠延瞰足屢縮碑緋墜坎臨珠穿噴胎掬石石泉
所自雲外仙浴沐作氣鼓之登妙高峯轉軸曲岸水外
天曰浮山之隄石槽漕而通是泛神艘穀流沃食諸僧
山田收萬斛平走入無上健鶻盤半麓下看雲脚到屬
我宿寺屋撒手身真浮山況浮我目片片劈霅石著脚
豈容蹴無行地非難欲上天乃速浮玉有妙高臺孤其
隸僕覽江我則同名玉彼豈獨遯爾俱澄澄復哉斯碌

碌寒暉忽已失，叫嘯留涼肅。相從犯亂磴，草屺競蒲伏。
昏黑逼文殊，峯下歸華嚴寺。

泉脉索峯滴，若飲乳馬捫醍酪。誠已甘蕩蕩，天無孔。此時類夢醒，不寐成倥傯。僧指文殊峯，逼下心屬洞。棗羊行犯棘，醯雞飛亂蠓。一步獲三蹟，非垤山龍龍。性命竟付之，未必聊復惜。上來猱升跳，下去猱挽捫。連臂飲危壑，判死各相統。引手更試足，艱脆據無動。靈秘一喜竊，忽墮黑漆桶。尺得寸亦得，戒誤草莽莽。恃木更恃石，不覩忘仄空。遊衆心爲一，造次相憐總。絕壑火光騰，迎炬來笑啐。須臾照徹山，無路出鬱鬱。回驚緣壁下，張翅墜

羅鷲每從險絕度頗伏神自董亂林苑中
廋坦坦翔珮
琤言歸招提宿卧榻浮濛瀕

寺中與汪鍾何暎標夜話示之

自笑遊山癖多君山共遊六朝餘舊跡一局對名流
無字猶呼石遺經亦構樓漢疏唐刻在吾學要精求
名浮非取爾象止或宜然莫滯江中石當疏山下泉
一觴清可濫二子力爲遷庭樹香聞否開子無隱詮

拜無可大師像

衲衣拄杖是何因故祇誰叅空色真悲頃錘沈滄海底
笑來帽脫宰官身秉忠夜語難成佛丞相鄉歸若有神

象教言詮都了盡却將通雅付其人

無夢無波自訂頑武夷掃塔豈閒閒遠禪師帶收殘局
浪杖人機正首山苦海不登佛國岸破籃聊賣鬼門關
萬安好住師須住骨肉兒孫任乞還

師肉身方氏葬之
子孫主祀別建爪

髮塔於
寺後

繞檣山行去遊石龍以上

一夕留山中攝衣走亦靜肩輿之石龍出寺峯爭迎蜿蜒
平岡眺一石圓且正是曰舟之檣山浮名所命頗聞
夾桅石高巖往斷徑此復繚其側下作水聲聽雙塔亦
已傾檣倒帆不正浮生何以渡悲色感禪定夷遊不欲

上屢顧敗乘興前頭石龍路搖舌呼會勝

緣石龍峯尋諸洞

山田沿山溪樹迸石得鳴童婦出林立衣冠似未觀看
我捫石上輿捨何自苦齒齒嚙強門關關叫轉粗石理
鑿吏亂著足絕殊土況復鱗間甲硤礧動傷股嗜奇一
上上金雞樹啼午豈真雞鳴名峯一足支肚頓翅作翥
狀欲躡勇莫賈纔撫石龍背奇妙已什伍茲山以巖變
肖物飛聆鼓小隙翻谷嚶巨壑竄澤嫻百竅向我鳴色
然駭入戶且復置而前洞逢雷公怒

雷公洞

花與鳥何醉醉亦豈因風想春入深深情感萬般通聞

雷有好句讀書坐巖中寫之石廊壁秉炬煩老鍾

鍾惺遊浮

山夜以火照壁寫雷鯉天風醉花鳥之句去

錢可久題洞洞名遂屬公不知

宋民孟嘉祐錢鳩工鑿石五寸平一髮繞嵌空其中丹

井二墨池爲公供雷公亦何幸靈洞秘隱蹤元至大二

年塔名識普同乃知此洞會宋元發其蒙鯉也實後生

吾欲先進從當以洞歸孟普同復穹窿石壁刻有據山

靈折其衷重重巖戶開霜橘藏奕翁推枰笑領我此中

知始終

浩笑廊和雷鯉韻

負手石廊行谷空呼好好此間深秋色捫石石自了山
從何處浮適來夢青鳥去去笑聲喧古人與宿草

自龍虎關諸廊入陸子巖

浩浩笑不住忽入龍虎關石龍蜿蜒去羣虎頭般般張
牙伺人入化石諸巖圓我行歷東廊牙豁振柱扳前得
陸子巖諸洞列宇寰上蓋石乳垂結構瓦覆皮下羊舌
平吐不類無口鵝中堂窈深深十席布莞管東廊韻呼
答礪礪伏而跼秀色崖繚繞轍若重檐翺坐睇上來路
關嚴闌橫欂仙人自天下颺車輪飾鸞帷幕張無縫侍
者芙蓉顏巖居此美具竹林嬉風環從此通會聖文殊

衣袒鬢試叩衆闡提石性無一頑乃知洞天名此莫逢
神姦古皇甫有之陸宰假不還豈曰韓信軍酈食其工
謾宣和已亥易我來爲之刪復古人闕疑題壁若是班
觀巖壁諸石刻

宣和陸元均巖名輒易之後譏前不經作俑自宋時黃
安時助譴先正安敢欺夏希道遊巖婿男姪扶持熙寧

戊春三花香煖吹颺後來十日在路環送叔茲

夏題三月十五

日路題二

編遊書左行厥父龍舒治時檄四人同紹定

僧蟾期治平楊傑記大篇奔驥太尉侯頊翰比邱從
肥詩刻石十或一元符復嘉熙又紹熙癸丑希岳壁字

華題名皆有法實幼婦色絲言之文以成不俗何須醫
益嘆古刻石嗜古甘於飴其餘窮大索錘客逃橋圯女
史秘窳窳鳥跡茫學愚綠樹愁猿獠形精黯庵啞足與
手往復宋元是剔釐自郇無譏焉所得何酣嬉諸巖此
巖多比齊山肩仔江南北之美彼姜而此姬若漢燕唐
環宋元妍無媼我有好色疾莫之揭而思山中十日響
可以療我癡

沿巖洞過枕易窩至遠錄師塔院

題壁閱畧盡枕易窩還紆阿誰慕安樂此中卧堯夫窩
前卦氣首虢虢蒼貧敷鏗鏘憂耳根風吹我若扶倚窳

含寂意蒼翳通靈區石塔何楞楞亦具如如軀生前歐
棋客化去范銘吁石吁亦石客石塔師皮膚銘未敵藏
久棋忽爛枰無道異谷神牝影作日照搏何人鑿山骨
斬新出四隅萬厯易嘉祐卯塔中跣趺禮之還自覺吾
夢良遽遽平生但歡飲手醞師一剎

登九帶堂下過會聖巖小茶

九帶何所名佛正法眼一二曰佛法藏三四五轉密事
理貫縱橫慈妙及六七八金針雙鎖九平懷常實師以
帶之九說法守甲乙吾道不下帶佛帶本無質斯堂又
何開東此山腰畢我來叅帶義四維張忽失眼前空諸

峰著足繫難必浮生適何來與山同一叱旁石豎一指
月光一照疾以此明明心九帶解脫悉登高信有悟人
深莫相詰巖中宋人題來者猶昨日誰挈趙州茶飲我
我意寧請從師留帶擬議侍者墜

蓮花石

山浮水出浮激濺芙蓉作骨膚翻蓮蒨蒨蕙生根達石面
丈不以十計萬千我踏而上石惟一橫鋪大幅張壁懸
素質待繪白廣廣鮮葩濡染施朱胭直莖大葉坼山出
艷艷瓣脈明空箋鈎勒描摹著色迥初日出水天然妍
非花非畫見於石尤物無理心逾憐端坐恰稱金仙上

微步只合瑤姬前老僧指屈說古昔比蓮隱現不論年
傳聞歐陽奕遠錄開山蓮見遊名賢後來通人長者過
一枝一蕊時田田明中葉隱二百載去歲潔露今明蠟
豈爲公來蓮灼爍我笑偶爾胡貪天四十北產南涉始
浮生忽泊浮山邊山靈惠我石染色登峰並覺心澄淵
花開花落石中影粉本過眼舒雲烟適來相遇覲彼美
涉江采采歌其篇蓮花品品側徒倚揖山靈去情尤牽

舍利塔

我踏蓮花石花外光飛飛花上珠珠露妙明圓如璣昔
耶舍尊者奉舍利來威廬之金輪峰風轉藏神機爵爲

波窳者江南西道輝中頽果師治厥甌工鉏揮迸落大地隙林竹光現微吳紹廉訪師尋光掬依稀其顙增三十貯以金甌歸歸桐城浮山造塔磚雕幾滄桑山震動佛力中袞微康熙戊申歲僧爾培載祈施功尖未合短幢獨存巋天然蓮藉之煥煥而非非茲塔良得地天市驛憑依我陟浮之巘禮塔欵靈扉山浮塔不沈神光照蝨蟻諸巖得其光妙竅一一圍得見者見心遺身聖賢希高崔幾來盤山巾人是非

天池

蓮華石頂芙蓉霄握衣步步不敢驕自脅以上石骨一

正顱切處天池饒我循其髮窺面背廬骸骨桐城前額
樅陽其陽陰廬結檣山小小爲之標山頂完璞豈容水
仰盂嵌首泉微潮頗疑山靈坐瀑久輕汗蒸顙氣上歎
不然玉池清肥水入石頭潤山顏韶山手相爾似得道
三池匡戴澄不搖刁調無聲風畧皺晃漾作采日自燒
是能呼翕地之肺自然斟酌天所杓其圍丈百徑三十
石爲之盛中息消人不見消不見息不大潦溢不早焦
荇花蘸葉葢波淨未要鳥救龍潛昭蜿蜒小見立致雨
緣江郡縣膏黍苗功德利賴錄有寶泉出山上嗟爲謠
長白雲中髣髴說浙東雁蕩圖誰描此真親到坐池上

側身欹唾驚天矯齊諧之名偶然合鯤鵬怒徙夕與朝
浮浮欲上吾輕舉仙之人遺我一瓢便須滿腹飲歸去
矜誇來自星河遙

自天池下繞雲梯

松根尋石罅五丈一立離縱生拂空處針到互相避坡
坳天池路仰看如髭髮從此迫峻厓下循細逕跂脈脈
蟻落壁轉轉護度束上磴良復難下梯亦不易衣後拭
有石肘前張非超一折三步連百盤半虛縵差喜礧石
平莫止喘鼻咬其下壁立巖無地聊行戲鱗鱗龍領底
踏踏適其睡性命項引繩著土方脫縊此遊味頗別圓

攬輿下敗失池而得巖他日夢亦惴

張公巖

壁立以形名張公地之傑唐和州野夫棄官巖藥暇人
言仙可成久久忽蟬蛻我來蹤跡之石刻嘉祐列六年
書三字虛名巖竟掇此較愈青紫公壽不如碣石室上
衲襟元坐此真絕我亦慕學道自擬網戶蠶結身來憩
巖老死便自癘零落文縱橫山風吹不折斯計信美妙
人事滿跡轍悵悵去度橋延佇聽響雪

自響雪橋入觀音巖

雪本不作響響如水無聲橋下水自流忽識橋之名度

橋石門入石屋重樓成攀石以爲梯繚之石列楹觀世
音中央琉璃垂絡繆紛紛檻外石性全坐側嬰母曰闡
提斷頭點心知傾我言非無據遊者求當誠不見巖石
巖諸巖狀中盈或名曰總巖萬具一乃精颺颺山外風
吹竅韻入輕聞若不聞者恹恍皆延頸斯聲何所著聲
在心逾清何不此聽悟吾已移吾情

幻度松

壁立巖根石曲折松鬚上雲見高節中宵曾作牛神言
三度幾流虎魄血傳聞山僧猶能知老翁變化泣路岐
似是龍身窘髡咒不甘蛇斷送季揮山王山長誰爲主

野人居之浪相買引以斤斧摧當薪命薄嬌春桃李樹
人生所遭安得同紛紛梁柱非生松故知不用要定忍
若求世見無全躬斯松得度由人力無意出山乃其職
颼颼濤韻過者聽爭說艱難受命絕松心不知亦不言
三人救我人亦不木魚夜擊貝葉轉松風和之終年平
過白沙嶺川驛舍壁間錢沅樹先生元韻

九日浮山來里百白沙觀舒城山北壓龍眠面繞右嶺
色豐以腴石透瘦而皺合沓障層叠若往乃如復人冠
佩衣履揖拜釋衆門鱣逃溪獲鯉驚鷺峰非鷺白沙嶺
上上萬萬長松瘦其間曰師山土中石白腴或發其秘

者在山前山後我行屢顧之忘數一雙堠五里抵大關
傳舍夕宿又壁上梁和錢不脫筆墨圖百年胡役役未
若爪痕壽再疊倚牕坐木樨嗅驚秀

館中當牕
桂花盛開

謁明六安州知州邵先生

憲久

祠

庭堅封英六不祀臧孫徵協中旣教弼祇叙由選升後
來棄荆楚士中不敢膺漢武蹕盛唐南嶽融所馮當時
盛供張循吏傳所懲春陵子踈蹴沛國郎翼翮虎牙此
焉守君山作之丞諫識血迸流擊賊旗先登自此風稟
廩龍門隋唐承青絳飛雙綃八字留石稜判妾宋杜述
逐蛙元王稱此有光於前及明治蒸蒸朱模死綏節劉

僖阜龠升弋陽與歐陽地姓互揚傳五兵壽王罷五禮
文翁仍民立祠祀之弦歌間豆登邵先生起浙知茲州
兢兢正德嘉靖後薄俗稍欺歛時會三鼓竭政疑大弦
拒爛或姦利積沸始役賦騰曰民室懸罄先生目直瞪
於時除冗費供億民無應於時止重役夫馬民毋乘里
胥孰敢詐糧累水澈澄鈎距非所用戶叫不躡膝陳文
經碑之書於石峻嶒去去二十年雲路西祠增有民屋
偪與湫隘度準繩民讓夜撤屋若供養斷肱斯豈力使
然喻鳳不喻鴈先生兄惠容佐州德有恒治河神木來
兩株用不勝作先生祠柱祠成神之祱聞先生邵武厥

治清於冰厥祠堂處處吁嗟三其凌邵大業治此嗣先
生元曾州人曰二邵甘棠歌藹藹九世有晉涵與余遊
稱朋再拜爲余言過六祠階陞余祇謁敢告晉涵賢且
能明德後必達世九業七興霍山投以魑潁之水澄澄
襲美賦假相延心碑守僧春蘭秋鞠斯與六不騫崩

葉函齋前輩

世度

癸未冬官黃梅被逮得釋余視

之邸舍日畫松於壁旣去自揭一小幘以從暇
裝成軸命知者題之壬辰九月與余遇於六安
復出以相示別十年爲作一首卽和先生畫松

舊韻

先生喜畫松外枯勢類柏中受天之滋不入斧斤籍其
年躬脫獄家事南北坵孤根雖輪囷風噫縱橫擲先生
意容容肯曰柏者迫癸未冬之初耶壁畫水石十日柏
五松九九寒消厄母老

詔許贖移居面壁擇携一小松行奇筆自憐惜天地縱
我往不跼亦不躅黃梅舊所治治縣浹髓液楚人失我
公楚人得而索惟公以厚失失一得者百迎我公教我
陸離佩岸幘講堂江漢上公來視如昔弟子侍有閒坐
看畫幘尺曰是松之精五百年成魄其精我畫取勞之
以舊醪頽然笑視畫目光瞭以碧吁嗟世間事反覆松

下奔觀柯爲之爛豈獨蔽軒席先生庶幾松現松身指
畫十載癸與王朝濤響及夕月或來照之針針影露隙
入畫無乃幻先生留手澤吾昔視忽忽今遇情脈脈人
生當樂死何用憂歌奕雷雨垂太陰有心者自白

六安留贈葉函齋前輩卽題黃梅留別詩卷次石

君韻

如何樂到古而無聚散嗟同雁共鳬昔別賜還驚繞鹿

相逢話夜視蹲莧

韓詩於莧蹲於西九
月杪參宿上夜闌矣

賞心浮漢餘堂

鱸變色飛沙說塞烏

先生初將有烏魯木
齊之行獲釋故云

欲去贈公子

季和蕭騷若憶宛邱蘇

六安武定門外阻風

言惠咎陶猶自朕六蓼采風君子廩三學士校畢吾行
天意留客風來諗出其北門舟始踏矢發於弦括未審
黃黃兩岸塵忽上怪底青蘋起荏荏高桅不動短棹止
河日緊關齟齬噤我行無畏衆不前一足烏能獨蹕跼
今宵舳艫城下盟赴敵公然讓狼暉章生飲水怖入水
及門會稽章學誠曰倉底蒙頭心沁沁六安太守古擊
飲白水而憚水行賊此日牽衣惜命甚時鞏楊天文權知此州固勸余毋行予思薄賦古人
輕無奈狂飈寒黷塲挽推分寸堅於牆窗簾聒聒聲催
寢或云知此當不發燒燭鋪筵地舞錦我言萬竅號未

簡河詩集

卷十

七

惡洞庭張樂初來枕又云曷不易作雨浙瀝孤篷入詩
品我言冰夷將蜚廉百怪交腸須痛飲達人那肯顧
破智者應毋想拾瀋六安地不得留客吾欲寢留別亦
寢平陂往復固知之風止吾行且安衽

姚家門頭舟行沙中作

方舟並鷺首飛鷁深浪破行淺受敵我發石幢二十強
不鳥翬翬蟲趯趯十月之朔水歸壑兩路沙堆一道激
水激沙過沙激水下者杯斟上杯冪一折爲水一折沙
越陌度阡舟所歷陸地行舟古曰冪非陸非水今始覩
姚家門頭沙橫絕土剋水出齒蹙蹙舟窮南岸收北岸

中央高沙鋪瓴甃繞之乃達小登地揀柳何人示之的
舟舟銜尾彎環前鯉上龍門額點感前舟得去後舟來
我舟近前舟舟逖十人推舟一棹籍籍沙舟登舟陷礫
六鼃戴艦那可奪雙鯨夾檣不自適力大負而趨誰呼
一蟻盜之穿難覓繫繩曳木握沙入人試蹶沒豕泝觸
舟前人短後人長兩人橫棹舟伏擗傍舟幾人舟一動
舟底沙開珠玑璦大珠拋撒如沸泉細者如煙吹羃歷
舟移步步人齊聲放轉灘光列缺劈我坐舟中亦太閒
百變艱艱觀以寂危灘親記閭中奔惡峽空聞巴上擊
偶然此作沙中遊飽食安過心莫怒涼飈吹人向北行

渭水舟流風惠迫沙舟不險亦不易聊判吟成漏三滴
溜子口行

溜子口東溜子西北流陰陰柳樹低我發渭河已三日
潁水合之波生肥昨宵天黑三官廟卧聽篷聲勢愁瀑
曉來不雨二十程又喜河深脫沙輿人生俄頃計已貪
憾沙憾雨何其愁鎮陽關遲遲亦過極目兩岸雲濡涵
甘羅墓

阜阜甘羅墓入潁二十里去縣城四十五里說別紀我
舟泊其下明發纜解駛其和古碑見水曲繞其址生時
年十二官不韋庶子自言長項橐無樹立以耻遣張唐

相燕不行說之起連乃比黃鶴羅兮過綠駟使趙趙郊
迎五城割以俟惜哉七國風功業取牙齒脫真遭魯叟
所得豈斯止蕭蕭樹根骨極老百歲祀用不用俱人不
離魑而颺此墓二千年未以十二已三不朽在立夫夫
亦自喜清清潁敢嚙長此薦藻莖

潁水洗所携蟠螭硯歌

古語世治潁水清我折滌入西北行水光逆人人送水
甘羅墓又十里程波平流正岸不土江北江南田晴午
筆柔紙滑硯思浴汲桶提將深處取錫盆櫟刷位置宜
蓮房老人衣欲披一片黑雲噴雨失藻青蘋綠交漣漪

濃者飛來翡翠足淡者活如鸛鵒目石膚病是石骨奇
上池清精神內燭我嘗投硯富春灘七里無風六月寒
峭厓雙影落硯底變滅文態都蒼然揚子江中硯淨淨
雪勢冰痕颺力勁第一中冷浸石心詩味還兼茗味諍
硯乎閱水器益成茲浴清潁通精靈憶昔十四章始就
大人錫硯長老驚初心前時嘆如此顧盼江山吾老矣
湖水空懷天下才登壘翻悲童子死硯背蟠螭缺又環
與水離合年復年無窮之托亦何有襲以爛錦守用元
知阜陽縣周君萬寧贈菊作詩謝之
秋花得名不以芬不以色貴黃作君自餘子弟散紫白

例諸隱逸其從羣洋種後出乃百變針瓣粒蕾費耨耘
方春芽茁肥液土細擘科本雷鼓鼗驚響一發百晦插
花性全得天烟熅莖莖暗長上到藥葉不自損土自墳
澆水水精潤入土花得而樂酒漸醺醺釀質成葩爛折
競勝家菊人云云京師僧寺種誇盛法源匠法羊頭嶺
安化西廊僻有致冠蓋奔走聯屐褰一盆爭致十人擔
歸矜朋輩柔火熏冰雪簾外衆僮走高客坐室龍潛蜺
斯言汗漫故鄉感忽來過頰花繽紛寒煙老碧種非一
癭吸沆瀣膏空雲中間黃者色尤絕奉盤而立微醺醺
豈容香氣入人嗅孤艷不許春花分我卧觀之十日夜

乃知古曰美秀文通理應共屈原嚼勇退亦能陶潛軍
夫豈嬌施靚妝比天然脫盡綦縞紋月來相照榦猶偃
雨滴生潤根不皺幽姿閑態匝室視無言無笑貞中蘊
以黃爲正坡所許我胡得覲之汝瀆灌之恐濕輟恐燥
珍重若握珠熈熈非周君賢曷致此携去不得心如焚
花乎對我若顚顚臨別未忍情勞勞我愛菊遭愛蓮主
日來別亦愁日曛人生逢花與晤友在我味合非物薰
君倘西湖引春水

時議修復西湖古隄開

幸復牡丹期相聞

用東坡自頽改揚三月十六日西湖成次趙德麟

韻奉贈余蕓九

模

太守且勸復古水利以利頽

人

水在大地原無窮偶然示涸浮世中太守復古涸載溢
意氣要競歐蘇雄仲秋相見狀貌偉大龍遭子子之丰
我陟英蓼泛清潁自潁而入淮中通欽君老守問君治
歲勞民事軒常空我來子返談水利桑林何用禱毫宮
湖涸湖漑潁所賴非圖灩灩窺朧朧月生水滿玻璃頃
景到妙處人休風西聞若建北閘固此中畧借張公龍
湖成我當碑君事曰傳循吏非雕蟲

重過八里塚

棹發楊家集甘羅墓里十廿里八里塚不復鎮陽入前

三
淝淮達潁今潁次淮及呼之走鳳陽三百淮一吸垵邊
柳間桑霜葉落未急綠綠似識面重來樹離立去年塞
上歸落葉小鳥習孟冬彼葉乾仲冬此葉濕寒煥感土
南離別驚歲蟄那堪長年役飛光逃不繫人生若水逝
日日逝水楫此間又經過潁散鳳臺集

泊淝河口作

今朝風利舟發機淮六十里河口依壽陽河淮經岸碕
潁不見山色恐饑饉絕一飯山嶮嶮峽石雙峙若可希
近者梳妝樓掛磯將軍爭地公主如窳窳漸嚴衰以與
沿淮而下山圍圍里十五泊月隱暉水歸異出同曰淝

及淝之口舟暫歸不百里入淮不違淮南淝北淝陵魏
廉頗藏骨劉安飛孰裹伏波化令威仙人壯士古亦稀
相送淝之雨浹潏今夕曷不樂獻猷一杯灑淝夜光微
願吸沆瀣中自肥客舟霜重沾人衣

壽州懷古

孫叔敖

楚相期思邈遠汀涼風未斷澤蘭馨諸陂自沃雲樓野
一水尤縈白芍亭虵首兩枝埋坎坎龍泉萬頃漑亭亭
霸圖畧見江淮表不比衣冠優孟形

左史倚相

山林筆路記言曾子革王孫說漫滕墳讀徒聞翠被過
壘遺莫共白珩稱邱明同派經先起正則餘波騷後興
考烈遷都連宿草此間檣杌已無徵

廉頗

太史書聞塋壽春溘焉兩虎鬥餘身後來雖有悲馮子
老去何思喜趙人一斗據鞍譏誤使三鉞埋骨厄逢神
平生敬殺相如避冢外荆條負亂榛

黃歇

相楚封吳只自營方城餘氣壽春城縣歸十二陳都徙
履躡三千趙客驚兩虎彊初旋白起一人弱竟失朱英

不堪四子相提論合傳應齊文信名

淮南王安

小淝陵下石非頑鴻烈風霜著壁間客坐鬚眉驚灼灼
仙家雞犬樂般般竹區諫越軍隄嶺桂樹招原人滿山
兵解竟成藥莫誤武皇外傳且須刪

召信臣

四十斤金勸利民明經早以甲科成水門提闕施功切
樂府倡優省費精居述無過上蔡長治遷或致竟寧卿
獨憐漢碣消磨盡刻石誰詢田畔畊

梅福

笥河詩集

卷十

三

軍市嘯同鄉飲論鵲戴騏驎喻空繁草茅議切亡徒起
金鐵飛驚外戚尊千駟貪無封闕里九江仙去卒吳門
斯人文學難蹤跡僞詭牢愁近澧沅

寶融

去婦劉盱計不工兒曹幾欲悞安豐叔皮識共餘分僞
司馬篇存外屬忠蜀漢鼎三書上露高平第一將趨風
中興此子堪詳味蟬蛻王侯卿相終

袁術

簀床坐嘆景頽西走狗飛鷹少日携國色涕原懸有廁
江亭血竟噬何臍當塗高偶訛名字旣壽昌惟寶璧珪

不信沖家乃至是廬江漂泊子兼妻

時苗

犢池故跡久荒蕪官裏難容一野夫未覺斂箕發面赤
何妨束帶折腰趨飲流竊願師牛豎刻木公然射酒徒
誰許好名兼作態揚州蔣濟量真無

謝元

秦晉由來古致師從容詞令謝家兒渡中若喚桓伊笛
戰久剛消太傅棋水却旌麾騎鐵動山搖草木鶴風疑
八公遊戲青岡外笑說揚塵又一時

恒崇祖

南朝刺史敵初臨自固千人築塹深泚水成堤作古法
楚軍破釜不還心屋高瓴建知螭墮杯覆堂坳看蟻沈
兵故先爲不可勝恒生把臂更無林

壽陽公主

壽陽河水暮澄霞曆鎮名誰唐突加

花曆鎮在州北宋
紹興中爲權場

小史埭尋曹老柵夫人墓說宋公家春來卧飽梅花點
死去觀輪鶴舞曄何處含章簷下足妝樓猶自背山斜

壽陽河口有山
曰公主梳妝樓

侯景

太清降寇豫州來蔬食心情總不猜門虎養成驚反鎮

盤熊熟未痛傾臺骨銷猿窠宮厄兒戲干戈庾客哀
怪底壽陽顰鼓動金陵梵剎一時灰

李愬

龜龜別種氣咆虓五十年間負穴巢度策乃成由力斷
韓碑竟毀亦牙聲日心克肖西平子雪夜先占南狩爻
一將收功全計重須知理解審丁庖

董邵南

夜讀耕乘朝日暉韓公樂府韻依依樵山漁水厨甘具
乳狗哺雞翼覆歸物類感通惟飲食天翁祥瑞下庭幃
邵南生長貞元後不舍名聲淮更肥

李興

刺史臣承恩謹言安豐編戶李興門心悲父有伯牛疾
股割兒供曾子殮口鼻血墳沾涕淚芝泉驗記應根源
宣延風美宗元序刻石間亡祠尚存

劉仁贍

完節歐陽尚蔡獻太師傳附鐵鎗餘十三節度年空紀
二百軍容里竟墟天不佑唐牀隨箭妻方斬子帳降書
魂兮獨下南埤拜可要莊田周賜渠

呂夷簡

宰相才胡內遜謙龜從孫育壽州占建言玩服神除罍

願望清光帝舉簾頗誤批餘遷有恨髭求瘵已眷無嫌
屈伸舒卷真名相可奈春秋裔法嚴

司馬池

待制安豐司馬侯詩碑金石錄須收酒監官美吾因便
行色吟佳客且留遠遠水知兩岸意深深秋判一生愁
朗哦百過淮肥道嘆絕難教名父休

米芾

滌硯臨流犢鼻單正陽遺宅尙飈寒承平宋葉書兼畫
蕭散唐人服又冠潤寺伽藍留像祀楚山清曉上圖官
若教楊許真成業不盡知應蘇子嘆

劉福通

一片紅羅濠上光
建元誰奉小明王
驅除陳勝終歸鹿
物色孫心初牧羊
彌勒神歆大武黑
火星地走異軍香
林兒未捷獠頭械
丞相身先死亦傷

福通自爲韓林兒丞相加太保

硤石山

入涇又三日六日發自潁中夜越淝口
硤石壓雙嶺淮穿舟亦穿禹鑿山裂瘻
劈分兩敗肉血出贅愈頸或傳茅君洞
騎龍主內省幽幽人跡絕守化秘貞并
劉安此上昇止涎畫與餅古語自言尊
雞犬或賦騁我來月生明去率邱前消
石上馬跡聞不暇捫惺惺忽爾飛飛渡

夜插翼如猱壁影旣髣髴流折亦悵悵平生秉燭遊過
此失刻頃磨崖字有無悔不益自請壽春與下蔡兩岸
妙徐領

齧齧峙淮石川武關中流昔魏將賈逵據以援曹休諸
葛誕舉兵司馬磨矛召胡彬援壽春退保門怒牛北魏
趙祖說築之聚民游唐討輔公祐劫軍次茲邱周世宗
過此鐵纆千尺修塵飛鳥雨血月上魚噴渥地險恒不
用軍盛忽幾秋譬如木之顛萌動防枿罅閃閃刀手捺
觸之卽敵讐峭關與劍門刻銘訓虔劉峙平一南朔此
特淮東收宵舩風正利一葉吹夢悠推篷曉圓望猛失

雙堯鰲

塗山

古當塗國郡九江漢康侯不害作邗連山著者女攸娶
候人始歌原洙澤禹合玉帛預注左壽春東北山崆峒
當時萬國肅奔走並會稽望南狩雙後夫凶埋防風骨
專車土化羶羊腔亡支祈跳庚神制鐵鎖不動淮淙淙
隨山桀木四乘亟呱呱啓泣聒耳聾至今荆廟與塗對
一山鑿二奔湍瀧黃熊有神亦尊祀元圭載錫符信在
股毛克勤卑宮儉山與五岳同伏降歲事輯班率堯舜
所至開門而闢牕翊翊明德廟臨水民生遠矣失撫彫

神姦金鑄近淪泗江河下下鼎莫扛吾其魚乎古有語
無窮天地人何憊來者不聞往不見唐李翱頌聲鐘撞
生人分陰良可惜山足足度心聞蹙地下蚓搯亦何有
一抔壤絕土食邨昌言之拜聖愚共仰山不去留踰躩
右塗山詩乾隆壬辰冬十一月六日山下作於今七
年矣丁酉選拔貢生懷遠宋汝謙牧于家山之下來
都請余書詩刻石宋生余在江南嘗試高等而人樸
以信於其朝考畢歸書畀之戊戌夏閏六月八日
筠記

過荆山作

禹會村塗下荆山對之小我來淮上流荆右塗左矯塗
之右荆左下流酈注表注者見淮出我來自擾擾舟人
指告我卞和洞竊眇風雨避石過玉玦玉池璫感彼樂
府事荆人性胡慄後悟陵陽封前味樂正兆抱獻血斯
繼退怨別空愀遺歌悲野民足離身心標又怪沂與汶
與淮不縈繚玉璞抵烏鵲古說恐亦勦何時行山間搜
稽獲不少

浸浸山沿水惻惻足離身疇昔賦三別今爲治玉人折
肱受方藥遭臙膺服豹痛者同有知忘者恐不呻英英
荆山氣夜燭如有神到今石似玉携出異石磷我尋臺

十丈思欲求其真呵護此山脈雲日鬱洽頻久久寶上
見抉擲彼賤珉自然和氏璧再見庭實陳流水方復圓
水色爲之新覽古歌始放求美意轉親慎哉宋人錦要
令被褐伸

湯口

我艤懷遠孤城後朔風打船逼湯口口內柳樹風搖搖
口外浪花大於狗狗縱縱使若有人似亡支祈仰天詬
纜舟楔地不可前夜久風狂古懷剖魏武水軍昔從入
去開芍陂士斲斲入淮出淝道所歷樓櫓波衝吳會取
唐李正已反溜青欲憑江淮船此走桓桓老將張萬福

暑借南風勁怒吼伐淮亦聞周宗來銜枚軍塗塗口嘔
列淮萬艦一朝吞吞舟之鯨孰發笥此皆得水與地利
指點猶能說野叟我坐推篷四面看以小通大激勢陡
夾山南去北中原駛絕舟師便勒部山高水清古戰處
漠然憑弔嗟非偶風撼水作中夜聲入枕波濤夢抖擻
天明解纜逐水去留我長吟謝颺母

別莫遜之

二之日栗烈我行滁陽道瀕江氣未寒顧子形欲槁子
行父召趣無諾禮經考我胡獨過江經年依子好人生
亦有別此去殊草草明發清流山背我心如擣

子別何太遽我詞欲重陳聰明信可喜其本要於仁譬
如樹生葩膏液先樹身水激豈不清所恐不容鱗我言
無乃迂生理厚在人祈子以純嘏相見還相親

竹河詩集卷十終